



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 77. Quorumdam Scriptorum A catholicorum opera & decessus.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII
A. C. 1684.

§. LXXVII.

Quorundam Scriptorum Acatolicorum opera, & decessus.

Celebre inter literatos nomen reliquere sequentes Scriptores Acatolici I. Matthæus Larrocanus, qui dissertationem de Photino hæretico, ejusque multiplici damnatione edidit, censuitque ejus hæresin innotuisse primum tempore Concilii Antiocheni Anno 341. illam vero in alia Synodo Antiochena post triennium Anno 344. fuisse damnatam: Subjunxit aliam dissertationem de Liberio Papa, quem secundæ confessioni Sirmiensi subscripsisse propugnat: ceterum utraque hæc dissertatio Genevæ Anno 1670. typographorum socordia non sine mendis prodit. II. Petrus Molinæus scripsit de tyrannide Papali, de Simonia Ecclesiæ Romanæ, de pace & tranquillitate animæ, clamorem Regii sanguinis ad cælum, Parergon incrementum. Psal. 92. v. 14. III. Benedictus Hopferus edidit disputationes de præexistentia animarum ante corpora, de Magnanimitate, de culpa agentium ex metu, & ira, de jure jurando, de desperatione, & de Majestate ac Monarchia: Posteris etiam reliquit trutinam actuum humanorum;

T 5

norum;

Sæc. XVII. A. C. 1684. norum, iconem virtutis moralis, & Stoicismum de æqualitate vitiorum exploratum. IV. Rudolphus Capellus edidit Cavii tabulas Scriptorum Ecclesiasticorum, syntagma lectionum Bibliothecariorum, Byzantina, atque exclamationem de Luthero ejusque Reformationis opere. V. Valerius Jäschius prælo subjecit disputationes Ethicas, Ecclesiæ Lutheranae veritatem & antiquitatem, observationes in vitam S. Ottonis ab Andrea Abbate Bambergeni conscriptam, & discussionem Wärlenburgicorum fundamentorum. VI. Sigismundus Schelhamer vulgavit coronam novam, & antiquam, necnon testimonium gentilium de miraculis in religione Christiana. VII. Arnoldus Paschius posteritati reliquit disputationes de Concilio Nicæno primo, de S. Athanasio, & de Novatianismo. VIII. Sebastianus Nieman publici juris fecit suum Atheum refutatum, Harmoniam Evangelicam Passionis Christi, disputationes de miraculis, de Spiritu sancto, de indulgentiis & Verbis institutionis Coenæ Dominicæ, præter virulentos tractatus contra P. Keddiū Jesuitam.